

Trosolwg

Mae'r safon hon yn disgrifio'r sgiliau a'r wybodaeth sydd yn ofynnol i adolygu perfformiad amgylcheddol sefydliadol ac argymell gwelliannau. Mae'r safon yn edrych ar nodi newidiadau a datblygu cynllun i roi'r rhain ar waith.

Mae'r safon hon yn addas ar gyfer:

- Rheolwr â chyfrifoldeb dros reolaeth a/neu gynaliadwyedd amgylcheddol
- Perchennog/rheolwr busnes sydd eisiau gwella perfformiad amgylcheddol y sefydliad
- Unigolyn â briff penodol i adolygu perfformiad amgylcheddol
- Cydlynedd systemau rheolaeth amgylcheddol neu gyfwerth
- Ymgynghorydd sydd yn rhoi cyngor amgylcheddol.

Mae'r safon hon yn cynnwys mesur cyflawniad amcanion sefydliadol a thargedau ar gyfer perfformiad amgylcheddol a'r gwaith o nodi gwelliannau.

Mae'n cynnwys ymgysylltu a chyfathrebu gan bawb sydd yn gysylltiedig â chyflawni amcanion sefydliadol a thargedau ar gyfer perfformiad amgylcheddol.

Mae angen i'r rheiny sydd yn gysylltiedig ag adolygu perfformiad amgylcheddol sefydliadol ac argymell gwelliannau fod yn gysylltiedig â chyfrifo carbon ac Aseidiadau Cylch Bywyd eu cynnyrch, eu gwasanaethau a'u gweithgareddau. Bydd hyn yn cynnwys asesu ôl troed eu cynnyrch a'u gwasanaethau, yn ogystal â gwneud eu penderfyniadau ynghylch pwy i brynu adnoddau oddi wrthynt, trwy werthuso eu cyfrifiadau cyfalaf naturiol a'u cyfrifiadau carbon. Mae angen i sefydliadau fod yn atebol am y ffordd y maent yn rheoli eu heffaith ar yr amgylchedd, mae angen iddynt ddod yn fwy cynaliadwy. Mae angen i'r sefydliad edrych ar eu heffaith o ran carbon ar lefel fyd-eang yn ogystal â lleol. Bydd hyn hefyd yn cynnwys asesu effaith.

Meini prawf perfformiad

Rhaid i chi allu:

1. Nodi amcanion a thargedau sefydliadol presennol ar gyfer perfformiad amgylcheddol
2. Sefydlu mesurau i werthuso cyflawni amcanion a thargedau ar gyfer perfformiad amgylcheddol
3. Nodi, cyfathrebu ac ymgysylltu â rhanddeiliaid perthnasol, yn cynnwys y rheiny o nodweddion gwarchoddedig, i gynorthwyo gydag adolygu a gwerthuso perfformiad amgylcheddol sefydliadol
4. Adolygu a gwerthuso cyflawni amcanion a thargedau perfformiad amgylcheddol
5. Nodi amrywiadau mewn perfformiad amgylcheddol a sefydlu'r rhesymau dros y rhain
6. Nodi arfer da a meysydd gwella yn y sefydliad mewn perthynas â pherfformiad amgylcheddol
7. Cofnodi'r canfyddiadau yn ymwneud â pherfformiad amgylcheddol sefydliadol a gwelliannau a argymhellir
8. Cyfathrebu'r gwelliannau a argymhellir i berfformiad amgylcheddol i randdeiliaid perthnasol
9. Sefydlu a chytuno ar gynllun newid, sydd yn nodi mesurau a'r effaith ar amcanion a thargedau a'r adnoddau sydd yn ofynnol
10. Cadarnhau y bydd unrhyw adnoddau yn cael eu tarddu'n lleol os yn bosibl

Gwybodaeth a dealltwriaeth

Mae angen i chi wybod a deall:

1. Buddion i'r sefydliad a'r amgylchedd yn sgîl perfformiad amgylcheddol gwell
2. Adnoddau sydd yn ofynnol i roi gwelliannau posibl i berfformiad amgylcheddol ar waith
3. Gofynion amgylcheddol, cyfreithiol a gofynion amgylcheddol anrheoliadol eraill sydd yn berthnasol i'r sefydliad
4. Sut i adnabod y rhanddeiliaid perthnasol, yn cynnwys y rheiny o nodweddion gwarchoddedig a gwerthuso eu safbwyntiau
5. Arfer da presennol diwydiant sydd yn gysylltiedig â gwella perfformiad amgylcheddol y sefydliad
6. Dulliau ar gyfer meincnodi perfformiad amgylcheddol sefydliadol
7. Dulliau ar gyfer adolygu a gwerthuso cyflawni amcanion a thargedau perfformiad amgylcheddol
8. Y gwahaniaeth rhwng monitro perfformiad amgylcheddol gweithredol (rhagweithiol) a monitro adweithiol
9. Sut i ragfynegi buddion amgylcheddol, cymdeithasol ac economaidd gwelliannau posibl i berfformiad amgylcheddol y sefydliad
10. Y rhesymau dros, a buddion gwella perfformiad amgylcheddol yn barhaus
11. Sut i gofnodi canfyddiad ar fformat addas a chyflwyno argymhellion i randdeiliaid perthnasol, ar gyfer gwelliannau i berfformiad amgylcheddol sefydliadol
12. Dangosyddion Perfformiad Allweddol sydd yn gysylltiedig â gwelliant i berfformiad amgylcheddol

Datblygwyd gan	Lantra
Dyddiad cymeradwyo	30 Maw 2021
Dyddiad Adolygu Dangosol	30 Maw 2026
Dilysrwydd	Ar hyn o bryd
Statws	Gwreiddiol
Sefydliad cychwynnol	Lantra
RCU gwreiddiol	LANEM6
Galwedigaethau perthnasol	Rheolwr, Perchennog/Rheolwr, Swyddog Polisi Amgylcheddol, Swyddog Rheolaeth Amgylcheddol, Ymgynghorydd Amgylcheddol, Cydlynnydd Systemau Rheolaeth Amgylcheddol, Rheolaeth Amgylcheddol
Cyfres/Set	Ymwybyddiaeth a Rheolaeth Amgylcheddol Sefydliadol
Geiriau Allweddol	effaith; asesiad; llygredd; diogelu; hinsawdd;
